



*Opuscula*



Epistola



11  
I M A G O  
MAGNI PRÆSULIS,

ILLUSTRISSIMI olim & REVEREN-  
DISSIMI DOMINI,

D. MICHAELIS  
In MAGNA KUNICE

KUNICKI,

Dei & Apostolicæ Sedis Gratiâ  
EPISCOPI Arfionensis, SUFFRAGANEI,  
CANONICI, VICARII in Spiritualibus,  
& OFFICIALIS Generalis Cracoviensis,  
ABBATIS Commendatarii Claræ Tumbæ &c.  
*Sanguinis, Virtutis, & Meritorum coloribus*

EXPRESSA.

dumq; Ei in Ecclesia Cathedrali Cracoviensi  
Iusta funebria publico dolore persolverentur,

PER

M. ANTONIUM JOSEPHUM ZOLEDZIOWSKI,  
Philosophiæ DOCTOREM, Regium PROFESSOREM, Collegam  
Majorem, Ecclesiæ Collegiatæ S. ANNÆ CANONICUM,  
Parochialis in Krzęcin CURATUM,

inter mortuales umbras,

Publicæ luci

EXPOSITA.

*Annō Domini 1751. Die 29. Mensis Novembris.*

---

CRACOVIAE,  
Typis Collegii Majoris Universitatis Cracoviensis.



In Avitum Decus  
**ILLVSTRISSIMÆ**  
**DOMUS.**



**Monnoceros** cornu cur impetis **Astra** **Polumq;**?  
**PONTIFICEM** forsan vis rehabere **Tuum.**  
**Non** repetes unquam, cum sese transtulit illuc,  
Unde hominum nulli jam remeare licet.  
**Nulla** tamen jactura **Domus!** cum **PRÆSULIS** ista  
Posthuma quam cernis, supplet *Imago* vices.



# IMAGO MAGNI PRÆSULIS.

**N**ihil plus in homines audet,  
quàm fata;

*inter infantiles eos fascias sibi mancipant,  
inter crepundia mortis aleâ illudunt,  
fervidam juventutis ætatem ferali gelu glaciant,  
deductum ad senium vitæ filum præscindunt.*

Minùs esset si in hominum faciem id auderent;  
**Verumtamen**

& Virorum Maximos tricubitales redigunt ad angustias,  
Regnorum Soles eclipsant,  
Illustrissimos umbris involvunt,  
Celsissimos ad ima deprimunt,  
Eminentissimos coæquant pulveri.

Aurea Regum poma nobilissima sunt mortis bellaria,  
primi Honorum Fasces triumphales manubiæ,  
& quidquid magnificum orbis reputat;  
Libitinæ est spolium ac exuviae.

Nulli etiamsi Semideus esset Parcæ parcunt,  
ut vitæ hominum, ita & famæ invidæ.

A

Nullum



Nullum Phænicem è suis bustis resurgere,  
totos Scævolas exuri,  
forberi Coclites,

Codros ut gregarios milites interire,  
Julios Cæsares memoriâ aboleri,  
oblivioni tradi vellent.

Supereſt tamen homini, quo fata superet;  
& mortis malignitatem eludat.

Genus à Proavis Atavisq; deductum,  
virtus, ſapientia & merita  
à mortalitate eximunt,  
ab oblivione vindicant,  
æternitati commendant.

### **Horum ſuffragiô**

*Succifi etiam vitæ flores gemmant,  
falcaſtrata in culmo juventus floret,  
decocta ſeneſcētis nives, in Pariis marmoribus albeſcunt.*

**Hæc** involutos mortalibus umbris illuſtrant,  
dejectos ad ſandapilam erigunt,  
tumulos in theatra gloriæ convertunt.

### **Aliàs**

*cum ſervanda eſt animorum majeſtas  
ut imitatores habeat,*

**pro immortalitate magnorum Virorum,**  
quidquid in Orbe artificii eſt, laborare cogunt.

Phidias ut ſtatuas extruant, Praxiteles ut Coloſſos erigant,  
Parrhaſios ut in imagine depingant,  
& ſecuturæ poſteritati exhibeant.

**Multum**



Multum præsumpserunt fata,  
in Illustrissimum & Reverendissimum *olim,*

MICHAELEM

*In Magna Kunice*

KUNICKI,

EPISCOPUM Arfionensem,

SUFFRAGANEUM, CANONICUM,

& OFFICIALEM Generalem Cracoviensem,

ABBATEM Commendatarium *Clara Tumba,*

attrectârunt Infulatum Verticem,

excusserunt è manibus Pedum Pontifici,

Judicem ad urnam condemnârunt,

Sanguine, virtute, meritis Illustrissimum  
mortis operuerunt caligine.

Immortali tamen ejus nil nocuere famæ,

*vivit Principum in corde,*

*in Diœcesis pectore,*

*in amore Patriæ,*

*in memoria sæculorum perennabit.*

Posthumam illius imaginem

quam Apelles pingit dolor,

tradet seris nepotibus posteritas.

Fumosam nunquam fore, crede,

quam genuini Sanguinis, Virtutis, & Meritorum

colores exprimunt,

lugubris calamus pro Zeuxis penicillo,

in lineamenta deducit.



# COLOR I.

## Ab Illustrissimo Sangvine.

**P**Rima Præsuleæ in Polonia Imaginis tinctura,  
Sangvis est.

Violas & Purpuras non speret!  
Qui sangvinem à Magnis Antecessoribus non traducit.  
Quod si enim;

*Lilia Imperium, Rosæ Principatum super flores obtinent;  
quòd illa è Junonis lacte, hæc de sanguine Adonidis pullulârunt,  
Joves coluntur tanquam Deorum germen,*

*Et Cælum possident iuxta fabulas;*

*Gygantes tanquàm terræ fetus, nec terram occupant.*

*Ad concavum usq; lunæ ascendit ignis,*

*cui cune illustres sunt,*

*fulmina Et nubes nymbis gravida*

*tanquam terræ vapor Et exhalatio, ad ima protruditur.*

*Gemma Celi rorantis parvis, Regum coronis inseruntur*

*pumex ex spuma maris natus ubiq; calcandus prostat.*

*Ingerunt verticem Cælo immortales Cedri,*

*quòd profundius radices figunt.*

*Reptant humi serpillæ,*

*quæ vix ad extimam terræ superficiem se exerunt.*

*Orta è Paradiso flumina universum Orbem alluunt;*

*tenui Et limoso fonte latex profluens*

*vix unum implet iugerum.*

### Merito

quibus subobscurè nasci contingit,

ab Illustrissimis Præfulum titulis arcentur.

### Aarones vocantur ad Infulas;

quibus communis cum Regibus sangvis est.

Marc



# Mare Sangvis rubrum

in Ortus Illustrissimi olim Præfulis influxit,  
ad effigiandam ejus speciem aliô non opus est purpurissô

Minium hinc procul esto;

adulterinus is color

Purpuras mentitur non tingit.

Demortui Præfulis Sangvis

& Regum Purpuris,

& Principum Dibaphis

& Præjulum Violis est concolor.

Paterus per CAROLUM KUNATH,

Sacri Romani Imperii Comitem,

ab OTTONE III. Romanorum Imperatore

ad MIECISLAUM I. Poloniæ Regem

ob Orthodoxam susceptâ fidem applausûs ergò Legatum,

Romanum Imperium & utramq; Galliam,

in GASPARO KUNICKI Pocillatore Czerniechoviensi

Magno tanti Antistitis Patre totam Poloniam afficit.

Maternus per ELEONORAM SOLTYKOWNA Aviam,

ANNAM POTOCKA Matrem,

Celsissimi olim THEODORI POTOCKI

ARCHIEPISCOPI Gnesnensis,

Primâtis Regni Primiq; Principis,

Illustrissimi olim JOSEPHI POTOCKI

Castellani Cracoviensis,

Supremi Regni Exercituum Ducis Sororem,  
totam Europam per Paleologos Cæsares attingit.

Colligatos Sangvinis nexus,

cum LUBOMIRSCIIS & CZARTORISCIIS

WISNIOWIECCIIS & SAPIEHIS

B

WORO.



WORONIECCIIS & RZEWUSCIIS  
SWIĘCICCIIS & BIENIEWSCIIS  
STĘPKOWSKIIS & CZERNIIS  
WERESCZENSCHIS & KRUSZELNICCIIS  
NITOSLAWSCHIS & BORZYMOWSCHIS  
BONECHOWSCHIS & STARZETCHOWSCHIS

calamus non innuit;

cum *Tristium* Librum conficit non *Fastorum*.

Totam evocaret Poloniam in paginam,  
singulas Corporis Reipublicæ venas aperiret,  
si ad defuncti Præfulis lineamenta  
vel unum POTOCCYORUM Sangvinem colligeret.

---

## COLOR II. A Virtutibus.

Nulla pulchrior Imago,  
illâ quam natura effingit, virtus expolit.

*Indulgentior natura*

*omnem in Adonidis vultum formam congerat;*

*desit virtutis color,*

*informe monstrum & larva erit.*

*Vernet in Helenæ facie roseus flos genarum,*

*rideant gemini oculorum soles,*

*politam crystallum tersum dentium ebur æquet,*

*si virtus non superaddet cerussam,*

*nihil differet à Medusa.*

Pro posthuma Arsionensis Præfulis Imagine  
auream tabulam porrexit natura;

Cui



Cui ita virtutes impressit,  
ut vivas non solum vivus,  
sed etiam defunctus exhiberet.  
Hinc illi tot formæ, quot virtutes;  
*omnium in se exemplaria collegit,*  
*& omnium unus exemplum fuit.*

## PONTIFEX,

vitâ, conscientia, obsequiô,

DEO & hominibus gratus,

*Sine ostentatione pius,*

*sine fictione candidus.*

*sine assentatione rectus.*

Authoritate gravis,

affabilitate comis,

ad amorem omnium,

ad admirationem singulorum.

Vigil & beneficus,

quieti subditorum vigilias Pastor immolavit,

ut illis non deesset, sibi plerumq; defuit,

*iniqua forte oppressos,*

fortunæ suæ damnis felices fecit.

*Liberalis ultra exempla,*

*ultra proventus profusus,*

*ultra pauperum vota munificus.*

Absq; dejectis ad pedes amplexibus succursu pronum,



absq; implorationum questu largum;  
absq; diserto gemitu beneficum se exhibuit.

## Doctus & prudens;

Laureâ Doctorali in Sapiencia Romana coronatus,

*Doctorum gloria,  
eruditorum Corona,  
litteratorum frons prima,  
Sapientiae oraculum,  
Prudentiae simulacrum fuit.*

Noverat apprimè præterita;  
præsentibus hic & nunc providit,  
futura ceu ex specula à longè prospexit.

Omni comparatione major,  
nisi quod æqualem se omnibus æstimavit,  
& à fastu alienissimus,  
cum omnia novisset,  
suam ignoravit magnitudinem.

Genere, eruditione, titulis magnus,

*ex sublimi Consanguinitatis Arbore*

*nihil præter umbram,*

*ex alto eruditionis profundæ*

*nihil præter fundum,*

*ex titulorum luce.*

*nihil præter nubem acceptavit.*

Virtuosissimus aliàs Præsul,

nisi morborum defectibus obnoxius fuisset in corpore,  
& eorum malô obijisset.

COLOR



# COLOR III.

A Meritis.

Hactenus

Posthumam Arfionensis Præfulis Imaginem,  
Sangvinis purpureo, Virtutis candido colore  
lugubris pinxisti calame!

cæruleo meritorum pingenda restat;  
qui, ut Cæli ita Pontificis hujus proprius est.  
Quidquid enim in vita egit, pro Cælo egit,  
incorruptibilitate, motu & operatione,  
per omnia Cælo similimus.

*Judex incorruptus, Pontifex in laboribus continuus.*

Viginti quatuor annos sub Insula exegit,  
omnes usibus Ecclesiæ & Diœceseos impendit

S U F F R A G A N E U S.

Trium Craciæ Insulæ Atlantum brachium,  
Succollator & dextra manus.

Pastorales curas sub CONSTANTINO SZANIAWSK  
constanter,

sub JOANNE ALEXANDRO LIPSKI  
magnanimè,

sub ANDREA ZALUSKI feliciter moderno,  
obivit viriliter.

Major Hercule,

illius duodenos nisi labores computat Antiquitas;  
Pontificis hujus acta, si recenserentur omnia,  
fatigarent præla,

C

Typo-



Typographicas Columnas frangerent,  
Scriptorum calamos hebetarent.  
Implêrunt Diœcesim amplissimam,  
suspiciuntur in Clero,  
in Vavello eminent,  
in Dedicatarum Ecclesiarum parietibus prostant,  
exponuntur in Aris,  
leguntur in Actis,  
in consecratis calicibus libantur,  
in Campano ære resonant,  
& prope sunt infinita.

Hoc admirationem parit!

*quòd ut Intelligentia una movendo Cælo,  
unus Sol illustrando universo,  
unus Alexander vincendo orbi,  
unum cor regendis corporum arteriis,  
unus tot & tantis suffecit MICHAEL.*

Centum septem Ecclesias,  
ducenta quinquaginta septem Altaria fixa,  
quingenta nonaginta octo portatilia,  
quingentas septuaginta quinque campanas,  
mille trecentos sexaginta quatuor calices,  
octingentas quinquaginta tres patenas consecravit.  
Leviticus hac in Diœcesi Ordo,  
totus fere opus manuum Ejus est:  
duos super duo millia Presbyteros,  
mille



mille nongentos triginta sex Diaconos,  
mille sexcentos septuaginta tres Subdiaconos,  
Minorum Ordinum Clericos bis mille ducentos  
quadraginta quatuor, ordinavit.

Etiam in Infultos Poloniæ Aarones,  
suâ operâ influxit,

Episcoporum & Abbatum tredecem Consecrationi adstitit,  
Hierarchiæ Ecclesiasticæ dignitatem auxit.

Litat gloriæ ejus & Virginalis castitas,  
quòd quatuor *Abbatissarum* manibus Pedum inseruit,  
quindecem Religioso habitu investivit.  
octuaginta octo velum imposuit.

Sacramenti Confirmationis Character,  
longus Præsuleorum laborum Syllabus est;

ad Jubilæi annum,  
tribus super octuaginta millia octingentis quinquaginta sex,  
stante Jubilæo,  
centum novemdecem millibus septingentis viginti novem  
personis illum impressit,

& signatorum in Apocalypsi numerum superavit.  
Abrahamo dices similem;

ille multorum credentium,  
hic confirmatorum in fide Pater est plurimorum.

Quatuor propè lustris Cracoviensis  
**A R C H I D I A C O N U S,**  
exactè huic Honori respondit & oneri.

*Episcopi Oculus,*

*Pupilla Cleri*

*& Diæcesis Speculum.*



Trecentas quinquaginta quinque visitavit Ecclesias;  
in omnium jura intropexit,  
erexit si quæ collapſa erant,  
ſi quæ oblitterata innovavit.

*Cum Eccleſiarum Sponſis egit ut Pater;  
quæ reformanda erant inſinuavit ſuaviter,  
quæ corrigenda occurrebant, fortiter inculcavit.  
Commendavit ne eorum Sponſæ eſſent ſitu ſqualidæ,  
facie incomptæ,  
cultu neglectæ,  
apparatu laceræ,*

*ſed ut Agni Sponſas decet, circumornatæ.  
Par illi cum Ordinandorum examini præſeſſet circumſpectio;*

*nifi Palladi nuptos,  
Muſarum amicos,  
Eccleſiarum eſſe voluit Sponſos.*

*Arcuit à Regali Sacerdotio, ſclerum mancipia,  
rude & profanum genus, à Sacris Aris excluſit,  
ad ſalutarem animarum curam  
nifi peritos Medicos admifiſit.*

**OFFICIALIS GENERALIS,**  
grandem in Foro judiciario merendi campum naſtus,  
nihil quod hujus Officii partes exigunt, omiſit.

*Juris Utriuſq; optimè gnarus,  
in arduis Gratianum conſuluit,  
Jurisperitorum ſcripta revolvit,  
ſenſum exploravit,  
non ex proprio arbitrio decreta tulit,  
ad mentem juſtitia judicavit.*

*Plerumq;*



*Plerumq; magnarum Causarum momenta  
momento solvit,  
deliberatissimus.*

*Lites partium sine difficultate composuit,  
felicissimus.*

*Ad legum tabulas intentus,  
litigantium personas non respexit,  
circumspectissimus.*

*Rigorem Juris temperavit clementiâ,  
in peccata severus in peccantes mitis;  
recidit illæsa arbore stolones,  
intactò nucleò corticem fregit,  
aurum depuravit à scoria,  
fucos ab apibus, æruginem à metallis secrevit,  
paleas à granis excussit,  
id est, in reatus pœnam non in reos extendit.*

*In publico Regni Arcopago  
multoties Sanctissimum Themis Mystam habuit:  
litavit æquitati fidem, impendit operam,  
si res exegisset;*

*litasset & vitam in victimam.*

*Calluit Regni jura ad numerum,  
executus ad ungvem,*

*justitiam coluit impensè, zelavit pro ea fervidè.*

*Nunquam sanctior & securior  
in Tribunali Polono Astræa sedit;  
quàm Angelicò MICHAELIS ministeriò;  
Libram illius tenuit æquanimiter,  
pro tuenda innocentia Gladium strinxit fortiter.*

*Hòc illicitò à Sacra Sede,  
& SERENISSIMIS Poloniatum Regibus,  
D. . . . . discernen-*



discernenda illius arbitrio devolvebantur negotia,  
quod talem invenirent Arbitrum;  
Cui & illa pars in plausum asurgebat,  
quæ in causa succubuit.

*Non licitum cuivis est de omnibus meruisse;*

licuit Præfuli **KUNICCIO**,

qui sub Interregni tempus

Post fata **AUGUSTI II.** Poloniarum Regis secundissimi  
In Italiam, Germaniam, Gallias

**LEGATUS**,

& Patrios est lucratus amores, & externos.

**CLEMENTI** enim **XII.** Pontificum Summo,

**CAROLO VI.** Imperatorum Augustissimo,

**LUDOVICO XV.** Franciæ & Navarræ Regi Potentissimo,  
ita locutus est;

ut & votis Polonæ Reipublicæ:

& desideriiis tantorum Europæ Capitum responderet,

*inter Galliarum LILIA floridissimus,*

*inter Austriacorum ALAUDAS suavissimus,*

*inter Latæ Eloquentiæ Principes,*

*facundissimus Orator.*

Docuit; extra Imperium eloquentiam fasces in Polonia tenere,

extra Tusculum Tullios nasci,

extra Gallias Hercules reperiri.

Æquè grata meritorum, ejus Patria ac Ecclesia,

Purpuras, Fasces, Titulos in **KUNICCIUM** congefisset;

nisi Michâél

*Administratorium se esse Spiritum maluisset,*

*& onera ferre quàm demandare,*

*gloriosius reputâset;*

Operosorum in Vineâ **CHRISTI PONTIFICUM**

Idea, Prototypon, Imago & Exemplar.

**UMBRA**



# UMBRA

Posthumæ Imagini  
ADJECTA.

Commune id pictorum & dolorum est,  
*quòd partes suas non aliter agunt ,  
nisi per umbras ;  
ut magis artificium elucescat.*

A livida terræ gleba eas deducit Zeuxis,  
à sepulchrali pulvere ,  
à squallido funeris apparatu dolor.  
Utriusq; operi venustatem addunt,  
hoc uno inter se discrepant;  
quòd in imaginem à Zeuxe: inductæ,  
oculos oblectant,  
à dolore, exasperant.

*Lædit acerbus sepulchri pulvis pupillas ,  
atra funebris pompæ nox excæcat.*

Etiam desævit in animos,  
corda opprimit,  
pectora lauciat,  
vilcera torquet,  
grande affectuum tormentum,  
& lachrymarum torcular.

Feralis hæc umbra,  
etiam posthumam tui Imaginem afficit ,



ILLUSTRISIME *olim* ANTISTES,  
quæ omnibûs quia est referta gratiis;  
nisi per intermediam mæroris nubem  
videri non potest.

*Exhibet in se Patriæ amores,  
desideria Ecclesiæ,  
Familie decora,  
amicorum oblectamenta,  
singulorum commoda,  
nisi excordi conspiciere eam licet,  
sine suspiriis & lamentis.*

*Hinc est;*  
quòd cum in Castro doloris spectanda exponitur,  
plorat amissum Ecclesia PONTIFICEM,  
dum PRÆSULEOS labores recolligit;  
deperditum Patria CIVEM,  
dum ad ejus obsequia se reflectit;  
fractum Familia COLUMEN,  
dum decrementa gloriæ suæ attendit;  
amici, dum solatia requirunt,  
omnes, dum singula.

Primus ad Ecclesiæ lachrymas concurris,  
**Celsissime Princeps,**

ILLUSTRISIME & REVERENDISIME DOMINE.

**D. ANDREA**

**ZALUSKI,**

EPISCOPE Cracoviensis, DUX Severiæ,

cum illi ultimum præstas obsequium;

qui Authoritatem tuam SUFFRAGANEUS,

Spiritualium regimen VICARIUS,

æquitatem OFFICIALIS præsetulit.

Medio



Medio Annuli tui orbe  
super amici PRÆSULIS fatis,  
integros Poloniæ mærores exhibes,  
*ILLUSTRISSE & REVERENDISSE DOMINE,*

D. VENCESLAE  
SIERAKOWSKI

Premysliensis EPISCOPE;

in Cujus corde  
dum Sagittæ tuæ metam fixeras,  
ut illud possidebas vivum,  
ita in Premysliensi Cathedra servas emortuum.

Fatalis ANTISTITIS casus,  
nec Vos afficere non potest

*ILLUSTRIS SIMI*  
KUNICII,  
STEPHANE Chotecensis,  
JOANNES Czulcicensis CAPITANEE.

*Plorat recisa fronde vitis,  
cordis ictum singula membra sentiunt,  
eversâ Cedrô Libanus tremuit,  
collapsa sublimi turre, vicina tecta corruunt,  
exsecto magnæ molis è petra lapide,  
contiguas rupes fragor concutit,  
Occidente sole pallescunt sidera.*

Recifus ab arbore Familiæ VESTRÆ

aureus palmes, ploratis,  
Cor ferrô Libitinæ sauciatum, sentitis,  
Cedrus prostrata jacet, contremiscitis,  
dejectus INFULATUS Vertex, corruitis,

E

avulsus



avulsus angularis Domus lapis, concutimini,  
Sol occubuit, palletis.

Grandem Avito Vestrum *Krzywda*  
intulerunt fata injuriam,

*ILLUSTRISSIMI & EXCELLENTISSIMI DOMINI*

**R Z E W U S C I I,**

*S E V E R I N E* Volhyniæ,

*V E N C E S L A E* Podoliæ Palatini,

defuncti *PRÆSULIS* ex Sorore Nepotes;

cumq; aliter eam vindicare non potestis,

profusis lachrymâs eluitis.

Communicatis cum *R Z E W U S C I I S* sanguinem,

*ILLUSTRISSIMI COMITES*

*V I N C E N T I* Capitaneæ *Korytnicensis* & *HYACINTHE*

**K R A S I C C I I,**

communicatis & dispendia.

Etiam *P O T O C C I O R U M* Domui mors *PRÆSULIS*

*Crux* est dolentissima.

*ILLUSTRISSIMI & EXCELLENTISSIMI DOMINI*

*A N T O N I U S* Palatinus Belzensis,

*J O S E P H U S* Czorstynensis, Szczyrzycensis *C A P I T A N E U S*,

*E L I S A B E T H* Wieksnensis *C A P I T A N E A*,

*J O A C H I M* Leopoliensis, *I G N A T I U S* Luchoviensis Præfecti,

deplorant Fratrem;

*C U R S U L A* è Potocciis *Wielopolskii* Pincernæ Regni Consors,

*E L I S A B E T H* *Moszczyński* Brestensis Cujaviensis *C A P I T A N E I*,

deplorant Avum:

& Domum *P O T O C C I A M*,

ut dedisse *K U N I C C I O* viventi sanguinem,

ita non negare lachrymas defuncto testantur.

Eluctantur & ad Vavelli apicem luctus,

ac in triplici *Illustrissimi* Capituli Corona,

non unum Orbem implent.

Maximè



Maximè se *Augusto* Cleri communicant *Senatus;*  
cujus Cor erat KUNICCIUS,  
vitalis spiritus MICHAEL,  
Stator Jupiter, & Tripos Delphicus.  
Implevit illum majestate PONTIFEX,  
rara animi demissione ex ARCHIDIACONO CANONICUS,  
propenso erga omnes affectu CONFRATER,  
mors illius, commune dispendium est singulorum.  
Vestrorum potissimum pressura animorum,  
MAGNI PRÆSTITES.

### Quodsi enim

*non videre, nec videri,  
non alloqui, nec respondere,  
non consulere, nec consilium accipere,  
osculum manui non infigere,  
nec mutuum recipere,  
ad divisionem animæ prope accedit;  
affectuosissimi Vobis PRÆSULIS fatum,  
omnia hæc præripuit,  
& cordium reducit ad angustias.*

Non illis medelam ferre potes,  
*PERILLUSSTRIS & REVERENDISSIME DOMIN.*  
D. HYACINTHE  
LOPACKI,  
Cathedralis CANONICE,  
& ARCHIPRESBYTER INFULATE Cracovien  
DECANE Sandomiriensis,  
quòd affectiones, quæ ex morte amicorum proveni  
insanabiles sint & malignæ.



Nec Fasciâ tuâ arctantur,  
*PERILLUSTRIS & REVERENDISSIME DOMINE,*  
**D. JOSEPH**  
**GORZENSKI,**  
Cathedralis Cracoviensis & Posnaniensis **CANONICE,**  
Collegiatae Pilecensis **PRÆPOSITE & OFFICIALIS** perpetue,

intra cujus peripheriam  
ut omnes vivi **PRÆSULIS** complexus es amores,  
sic super defuncto omnes dolores comprehendis.

Magnam obsequiorum in Avum tuum,  
**EMINENTISSIMUM** olim **CARDINALEM,**  
in Te non exiguum affectuum, sementem jecit,  
*PERILLUSTRIS & REVERENDISSIME DOMINE*

**D. NICOLAE**  
**LIPSKI,**  
Cathedralis Crac: **CANONICE,** Insignis Collegiatae  
Kielcensis **PRÆPOSITE,** Curiae **EPISCOPOPALIS AUDITOR,**  
ac Generalis **JUDEX,**

merito nunc myrrhæ fasciculos, manipulos doloris,  
Rastris Gentilitiis coacervas & colligis.

Succumbit aggravationi dolorum,  
& Generale Cracoviense **CONSISTORIUM,**  
cumq; **OFFICIALEM** suum  
à mortis sententia nullò modò vindicare potest;  
nihil ei præterquam flere & protestari licet.

**Auget querelas Dioeceseos Clerus,**  
quòd **PONTIFICEM** optimum,  
egestas quòd misericordissimum **PATREM,**  
superstes famulitium quòd liberalissimum **DOMINUM**  
amisit & perdidit.

Accumula plañtibus plañtus,  
quisquis acerbi hujus funeris spectator es!  
& disce! quòd

in *Imagine* pertransit homo. Psalm. 38.




ti  
e,  
M  
o-  
m  
o  
es  
er  
ne  
a-  
ur

lo  
c-  
y-  
ti-  
c-

卷之四





P.P.



22.000,-

3.XII.13



**Bibliotheca**  
**P.P. Camaldulensium in Bielany**

Depozyt w Bibliotece Jagiellońskiej



02350



